

ՄԱՏԵՆԱԽՕՍԱԿԱՆ

1. «Ամուսնութիւն, Ամուսնալուծութիւն և քաղաքացիական պսակ»։ 2. «Միջազգային իրաւունք»։ գրեց Արսէն վարդ. Ղլղճեան։

Այս օրերս յոյս տեսաւ Հ. Արսէն վերադադեալի վերոյ յիշեալ երկու գրքոյկները։ Խարդախութեան և խաբեալութեան մեր դարում, երբ յուսամիտ Եւրոպան սրբագործում է մարդասպանութիւնը, երբ օրէնքը և իրաւունքը օր ցերեկով ոտնակոխ են լինում, երբ Եւրոպան իւր ահռելի նիւթական զարգացման հետ զուգընթացաբար կարծես յետադիմում է բարոյական խնդիրների ասպարիզում, ամեն մի գիրք և ամեն մի խօսք օրէնքի և իրաւունքի մասին օգտաւէտ կարող է լինել ընթերցողին։ Այս տեսակ գրքերը գէթ մարդկանց հոգու մէջ կպահպանեն լաւագոյն գաղափարների գիտակցութիւնը։

Առաջին գրքոյկը պարունակում է մի քանի ընդհանուր տեղեկութիւններ ամուսնութեան, չհասութեան, ամուսնալուծութեան մասին, որպէս և առաքելական կանոններէն ալիք եկեղեցական կանոններից և Ռուսաց օրէնսդրութիւնից քաղուածներ։ Հառ մանրամասն կերպով Հ. Արսէնը գծագրում է ծիւղադրութեան օրինակներ, որոնց հիման վրայ պարզ կարելի է որոշել արեւակցական և խնամիական բարեկամութեան աստիճանները։ Այս գրքոյկը «Ամուսնական խնդիրներ» և նոյն խնդրին վերաբերեալ «Ամուսնական տարակուսանքներ» վերնագրով գրքերի հետ միասին լրացնում է յայտնի չափով այս խնդրի վերաբերեալ տեղեկութիւնների պակասը։

Գիրքը շատ հետաքրքրական է հայ ընթերցողի համար և այն ընդհանուր տեղեկութիւնների շնորհիւ, որ Հ. Արսէնը բերում է հասարակական գիտութիւններից քաղած առ-

Հասարակ ամուսնութեան, ամուսնալուծութեան և մինչև անգամ քաղաքացիական պատերազմի մասին: Գրքի մէջ չէր կարող մտնել այս տարուայ Մայիս ամսին հրատարակուած ռուսաց նոր օրէնքը, որով ամուսնական անհաւատարմութեան համար պատկից արձակուած ամուսինը իրաւունք է ստանում ժամանակի ընթացքում պսակուելու, որ առաջ չէր կարող: Այս գրքում կարող էին տեղ գտնել և հայ ժողովրդական սովորութիւնները որդեգրութեան վերաբերեալ, որպէս և պետական օրէնքները օրինացման (уваженье) և որդեգրութեան մասին: Ցաւալի է սակայն, որ այս անպայման օգտակէտ գրքի լեզուի վերայ քիչ է խնամք տարել հեղինակը և լի է երկար և ծանրամարս պերիօդներով: Ահա մի քանի նմուշ այն հանգամանքի, թէ ինչ երկար նախադասութիւններով է. Արսէնը ժողովրդականացնում գիտնական գաղափարները.— «Ամուսնութիւնը, միակին լինի «թէ քաղմակին, իր զարգացման յաջորդ, աւելի բարձր աստիճաններում, կեանքի մէջ փոփոխութիւն առած բարոյական հասկացողութիւնների ազդեցութեան տակ, ենթարկուեց մի շարք կարգերի, որոց խախտման դէպքում ամուսնութիւնը «տեղի չէր կարող ունենալ» (երես 9): Յետագայ գլուխներում պատահում են այնպիսի պարբերութիւններ, որ շատ մեծ շնչառութիւն պէտք է ունենալ մի նախադասութիւն բարձր ձայնով կարդալու համար: «Բաղաքացիական պատկ» վերնագրով յօդուածի մէջ հետեւեալ կտորը կարող էք գտնել. «Այդ զուտ քաղաքացիական գործերի համար պահանջում են ոչ միայն պատկի շորինապէս կատարուելու համար անհրաժեշտ վկայաթղթեր, այլ և ապացոյցներ, որ գործի տէր անձը յատկապէս այդ «ծնողներից է, կամ ծագում է ժառանգութիւնը թողած անհատներից և այլն և այլն, մի շարք բարդ պայմաններ, որոնք այնքան վճռական նշանակութիւն ունին, որ անհրաժեշտաբար կարիք են առաջ բերում գրի առնել և պահել ոչ «միայն ծնունդն ու ամուսնութիւնը, դոցա մանրամասն արեւմտադրութեամբ, այլ և մահը»:

Նրկորդ գրքից, որ կրում է «Միջազգային իրաւունք» վերնագիրը, մի համառոտութիւն է այս խնդրին վերաբերեալ ձեռնարկների և հայ միջակ ընթերցողի համար ընթերցանութեան գեղեցիկ նիւթ կարող է լինել, բայց նոյնպէս լեզուի կողմից կազում է: Առհասարակ գիտութիւն ընդհանրացնող և ժողովրդականացնողը ոչ միայն պիտի հասկանալի,

Թեթև և պարզ լեզուով գրեի, այլ և գեղեցիկ ոճով պիտի լինին այս տեսակ գրքերը: Առանց այս յատկութեան վերոյիշեալ երկերը դժուար մատչելի են լինում ընթերցողին, ուստի և հարկաւոր ենք համարում հրատարել մեր Թարգմանիչների և հեղինակների ուշադրութիւնը:

Յամենայն դէպս յանձնարարում ենք մեր ընթերցողներին յիշեալ երկու հետաքրքրական գրքոյնները:

ԸՆԹԱՍՐՑՈՂ

Die Beziehungen der Armenischen Kirche zu den syrischen bis zum ende des 6 Jahrhunderts. Von Erwand Ter-Minassiantz.

Ս. Էջմիածնի միաբան շնորհ. Երուանդ սարկաւազը անցեալ յուլիս ամսին աւարտեց Լայպցիգի համալսարանը փիլիսոփայական դոքտորութեան աստիճանով: Մենք ստացանք նորա դիւսերտացիայի մի օրինակ, որ իբրեւ առաջնակարգ աշխատութիւն գնահատուած է Լայպցիգի փիլիսոփայական ֆակուլտէտի կողմից և որ կազմում է ամբողջ աշխատութեան միայն $\frac{1}{3}$ մասը: Ամբողջը լոյս կտեսնէ պրոֆ. Հառնակի և Փօն Գերհարդի աշխարհչօյակ «Texte und Untersuchungen zur geschichte der altchristlichen Literatur» ժողովածուի մէջ մինչև առաջիկայ հոկտեմբեր ամիսը:

Ամբողջ աշխատութիւնը կրում է հետևեալ վերնագիրը. Die Armenische Kirche in ihren Beziehungen zu den Syrischen Kirchen (1—13 Jahrhundert)» և բաժանւում է 6 գլուխների, մի յաւելածով, ուր առաջ են բերուած զանազան կարևոր հայերէն բնագրեր:

Առ այժմ առաջ բերելով այստեղ ամբողջ գործի համառօտ բովանդակութիւնը՝ մի այլ անգամ մենք կիօսենք զրբի մասին աւելի մանրամասնաբար:

Ա. Գլուխը.—Հայոց Եկեղեցին սկզբից մինչև միաբնակութեան վէճերի մուտքը Հայաստան (Ձ. դարու սկիզբը).—Համառօտ սկզբնական պատմութիւնը մինչև Լուսաւորիչ և ապա շարունակութիւնը Փորձուած է ապացուցանել, որ Հայաստանի բրիտանիկութեան դառնալով գործը պէտք է գլխաւորապէս Ասորի բարոյիչներին վերագրել և ոչ թէ յոյներին, ինչպէս սովորութիւն է. յատկապէս լուսաւորչի ժամանակ օրին